

Hää koorirahvas ja dirigendi'!

Neländä võrokeelitse laulupido Uma Pidoni omma' jäänü õnnõ loetu nädäli' ja viimäne aig om märki pidohammõ telmise pääle. Hamõ passis kandmisõs pidopääväl ja ka ildampa. Pidopääväl võiti kanda muidoki ka uma koori esinemisrõivit, rahvarõivit vai muid laulupidolõ pasvit rõivit. Hammõ telmine om vabatahtlik, tuud või hindäle telli ka õnnõ osa ti koorist.

Allpuul om nätä' särgi kujondus ja suurusilõ vastava' mõõdu'. Hamõ om puuvillatsõst matõrjaalist. Hind om 9 eurot.

Hammõ säälä pääl om meile kõigilõ tutva katkend seokõrdsõ pido lõpulaulust „Puu kasussõ' korgõs“ ja iinpuul all pido logo üten lõugahusõga. Hamõ om samma värmi verrev, nigu tulõva' pidokaunistusõ' Indsikurmu. Verrev värm tähistäs langakõisi vai pailakõisi, midä tönõkõrd ummi suuvõ ja palvidõ kinnütuses puiõ külge kõüdetäs. Nii tulõtas hammõkandja hindäle ja tõisilõ miilde ajatut sõnomit mõtsast ja pühhist puiõst.

Telmislehe lõvväti seo kirä mant, tuu om välän ka Uma Pido kodolehe pääl www.umapido.ee „teedüs esinejile“ lingil. **Oodami ti telmist ildampa 9. mais** meiliaadressile egle.vodi@gmail.com. Perän telmise saamist saadõtas teile massmisõs arvõ.

Tellitü hammõ' saati kätte alatõn 23. maist Võro Instituudist (Tartu tn 48, Võro) vai pidopääväl 28. mail Uma Pido staabitelgist.

Ku teil om küsümüisi hammidõ ja telmise kottalõ, sõs kõlistagõ ja kirotagõ julgõhõ Vodi Eglele.

22. aprillil 2016

Kõkkõ hüvvä pidotoimkunna puult,
Vodi Egle
Tel 51 666 84
e-post egle.vodi@gmail.com

Hammidõ mõõtõ tabõli'

NAISI MUTÕL:	XS	S	M	L	XL	XXL
Puul rõnnaümbremõõtu, e hammõ lakjus rõnna kottalt	41	44	47	50	53	56
Hammõ pikküs säälä päält kaalamulgust alaveereni	60	61,5	63	64,5	66	67,5
Mõõt hammõ kaalamulgu keskest käüsse veereni	36	37,5	39	40,5	42	43,5
Puul puusaümbremõõtu, e hammõ lakjus puusa päält	42	45	48	51	54	57

MIIHI MUTÕL:	XS	S	M	L	XL	XXL	XXXL
Puul rõnnaümbremõõtu, e hammõ lakjus rõnna kottalt	46	49	52	55	58	61	64
Hammõ pikküs säälä päält kaalamulgust alaveereni	69	70,5	72	73,5	75	76,5	78
Mõõt hammõ kaalamulgu keskest käüsse veereni	41	42,5	44	45,5	47	48,5	50
Puul puusaümbremõõtu, e hammõ lakjus puusa päält	45	48	51	54	57	60	63

